

Dieđut váhnemiidda ja ovddasteddjiide Ohppiidiskkadeami birra

Mii lea ulbmil Ohppiidiskkademiin?

Ohppiidiskkadeapmi addá ohppiide vejolašvuoda mitalit oaiviliiddisetoahppama ja loaktima birra skuvllas. Iskkadeami bohtosat vurkejuvvojit, ja skuvllat, skuvlaeaiiggádat ja stáhtalaš oahppohálddahus analyserejit daid ja ovdánahttet ohppiid skuvla- ja oahppanberrasa daid vuodul. Iskkadeami dieđut sáhttet maiddá adnojuvvo dutkamii ja dutkit sáhttet oažžut álgodieđuid iskkadeamis. Oasit Ohppiidiskkadeami bohtosiin almmuhuvvojit Oahppodirektoráhta Skoleporten-neahttabálvalussii (skoleporten.udir.no).

Movt iskkadeapmi čađahuvvo?

Ohppiidiskkadeapmi sáhtta čađahuvvojit sihke giđđat ja čakčat.

Suohkanat/fylkasuohkanat/skuvllat leat geatnegahttojuvvo čađahit Ohppiidiskkadeami čakčat. Skuvllaide lea eaktodáhtolaš čađahit iskkadeami giđđat jus háliidit dan.

Oahppit vástidit Ohppiidiskkadeami eaktodáhtolaččat sihke giđđat ja čakčat. Oahppit sáhttet maid álggahit iskkadeami, ja guođđit gažaldagaid maid eai hálit vástidit.

Meannudanovddasvástáduš ja persovdnasuodjalus

Go oahppit vástidit Ohppiidiskkadeami gažaldagaid, de vurkejuvvojit persovdnadieđut sin birra. Lea Oahppodirektoráhta ovddasvástáduš ahte persovdnadieđut mat meannuduvvojit Ohppiidiskkadeamis, meannuduvvojit riektá ja gustovaš persovdnasuodjalusnjuolggadusaid mielde. Conexus doaimmaha iskkadeami tehnikkalaš oasi Oahppodirektoráhta ovddas ja sii fertejit čuoovvut seamma njuolggadusaid persovdnadieđuid birra. Conexus doaimmaha portála mainna diŋgojit, vižžet ja gehččet Ohppiidiskkadeami bohtosiid, maiddá vuodđodieđuid. Portálii ferte sisačálihit.

Ohppiidiskkadeami bohtosat ii sáhte čatnat njuolga olbmuid geat leat vástidan. Oahppit eai mital namaideaset go vástidit, eai ge Ohppiidiskkadeami vástádusaide leat čadnon persovdnanummar. Go iskkadeapmi loahpahuvo, de botkejuvvo dat oktavuoha mii lei oahppi sisačálihanbeassansánis ja iešalddis dan iskkadeamis. Dan dihte lea hui váttis gávdnat gii lea vástidan maid iskkadeamis. Hui háreve háve sáhtta goitge leat teorehtalaččat vejolašvuoha ahte soames dovda vástádusaid vuodul gii lea vástidan (eahpenjuolga identifiseren), ovdamearkka dihte unna skuvllažiin gos soapmásis leat duogášdieđut su birra gii lea vástidan. Dan dihte leat mis hui garra njuolggadusat čájehit iskkadeami bohtosiid – dat guoská skuvllaide, skuvlaeaiiggádiidda ja stáhtalaš oahppoeiseválddiide. Leat ráhkaduvvon sierra njuolggadusat (čuoggánjuolggadusat) čiehkán dihte bohtosiid ja dainnalágiin unnidit vára ahte soames eahpenjuolges vugiin sáhtta dovdá gii lea vástidan maidge. Iskkadeami dieđut eai almmuhuvvo goassege almmolaččat dakkár vugiin ahte lea vejolaš dovdá ovttaskas ohppiid vástádusaid.

Daid oktavuodain go mii addit dieđuid dutkiide, de fertejit sii čuovvut Oahppodirektoráhta njuolggadusaid dieđuid meannudeami ja jávohisvuodageaskku birra, ja sii fertejit vuolláičállit jávohisvuodašiehtadusa.

Rievttálaš vuodđu meannudit persovdnadieđuid

Ohppiidskadeami persovdnadieđuid meannudeami rievttálaš vuodđu lea persovdnasuodjalusortnet (GDPR) art. 6 nr. 1 bustávva e ja art. 9 nr. 2 bustávva g, gos dievasmahtti našuvnnalaš rievttálaš vuodđu lea oahpahuslága § 2-3 láhkaásahus ja friddjaskuvlálaga § 2-3 láhkaásahus.

Leat go dus gažaldagat?

Váldde oktavuoda skuvllainat eanet dieđuid oažžut. Neahttasiiddus www.udir.no/undersokelser leat maid olu dieđut. Gažaldagaid persovdnasuodjalusa birra iskkadeamis sáhtta jearrat Oahppodirektoráhta persovdnasuodjalusáittardeaddjis e-boastta bokte: personvernombud@udir.no

Lea vejolaš váidit Oahppodirektoráhta persovdnadieđuid meannudeami Ohppiidskadeami oktavuodas Diehtobearráigeahčču. Gávnnat eanet dieđuid Diehtobearráigeahču neahttasiidduin: <https://www.datatilsynet.no/om-datatilsynet/kontakt-oss/hvordan-kan-jeg-klage-til-datatilsynet/>

Oahppodirektoráhta oktavuodadieđut:

Boastačujuhus: Boastaboksa 9359 Grønland, 0135 OSLO

Telefovdna: + 47 23 30 12 00

E-boasta: post@udir.no

Interneahtta: www.udir.no